



Служба  
преподобнымъ отцемъ старцемъ,  
иже въ Оптинь пустыни  
подвизавшимся.

На велицѣй вечерни  
поемъ Блаженъ мужъ: 1-ый антифонъ.  
На Господи возвахъ: стихиры на 8, гласъ 4-ый:  
Подобень: Яко добля:

Преподобнии старцы оптинстїи,\* вы иго Христова  
вземше,\* постомъ и молитвами\* и частыми бдѣнїи  
потрудившеся,\* просїясте надеждою и вѣрою,\* наипаче  
же любовїю,\* яже есть глава добродѣтелемъ,\* еюже  
согрѣвасте\* приходящыя къ вамъ. (Дважды).

Послушанїя усѣрднїи подвижницы,\* воли своя  
покоривши\* окормленїю отецъ своихъ,\* духовнѣ васъ  
породившихъ,\* воспрїяте по́мощь на сопротивника\*  
глубочайшее смиренїе,\* имже разрушїте ко́зни вражїя:\*  
ничто́же бо мо́жетъ врагъ\* на смиренныя.

Православныхъ людей окормителїе,\* вы апостольски  
взываете:\* ничтоже ны разлучить отъ любви Божїя.\* вы  
худшее покористе лучшему\* и плоть поработисте духу.\*  
Тѣмъ явистеся свѣтильницы Церкви,\* не подъ спудомъ, но  
на свѣщницѣ поставлени,\* да прославятъ Отца Небес-  
наго\* видящїи дѣла ваша.

Ины стихиры, гласъ 8-ый:  
Подобень: О преславнаго чедесе!

Опреславнаго чудесе!\* Посредѣ житейскїя молвы\*  
отцы богомудрїи\* несмущено сердце сохраниша,\* пребы-  
вающе съ челоуѣки тѣлеснѣ,\* мыслениѣ же Богу предсто-  
яще,\* покрываемы кровомъ крилу Его,\* носящїи духъ  
миренъ,\* имже многи ко Христу привлекоша. (Дважды).

О молитвенницы пребогатіи,\* Духа Святаго органи,\* глаголюще молитву непрестанную\* въ сердцѣ сокрушенномъ и смиренномъ,\* просіайте ангельскимъ безстрастіемъ,\* и сего ради покажетесь\* врачеве душамъ и тѣлесемя:\* пощадите и спасите насъ,\* многими страстьми обуреваемыя.

О старцы преподобніи,\* Духа Святаго сосуди,\* дарованіи благодатными\* наздавшии Церковь Христову,\* вы поревновасте духовнымъ,\* пророчества даръ стяжавше,\* глаголюще челоуѣкомъ полезная\* въ назиданіе и утѣшеніе,\* пророкомъ древнимъ уподобльшеся.

Слава, гласъ 6-ый:

Узы разрѣшше страстей,\* прилѣпистеся любви благихъ,\* во Христа облекостеся,\* воздержаніемъ и смиреніемъ наслѣдницы бывше вышняго живота:\* тѣмже отъ трудовъ обрѣтше упокоеніе,\* достойно радуется съ горными силами,\* преподобніи отцы оптинстіи:\* прегрѣшеній оставленіе испросите\* празднующимъ любовію святую память вашу.

И нынѣ, богородичень, гласъ тойже: Кто Тебе не ублажить: Входи, прокимень дне, и чтенія три:

1. Премудрости Соломоновы чтеніе.  
Праведникъ аще постигнетъ скончатися:
2. Притчей чтеніе. Память праведнаго съ похвалами:
3. Премудрости Соломоновы чтеніе.  
Уста праведнаго каплють премудрость.

На литіи стихира, гласъ 2-ый:

Яви намъ дивныи во святыхъ своихъ Богъ,\* новыя подвижники благочестія,\* преподобныя старцы оптинскія,\* иже въ Бозѣ пребывающе,\* узрѣша Христову доброту,\* осіяеми тайно божественными свѣтлостыми.

Гласъ 4-ый:

Не дасте сна очесемъ вашимъ, блаженніи,\* ни вѣждомъ дреманія,\* дондеже достигосте въ любовь Божію,\* яже изліяся изобильно на вы:\* тѣмже воспрійте божественная дарованія,\* душетлѣнныя страсти исцѣ-

ляете,\* и недуги вѣрою врачуете,\* и отгоните скверныя духи:\* отцы преподобніи, молите о душахъ нашихъ.

Слава, гласъ 5-ый:

Приидите, благочестія ревнители,\* отцы наша духовныя похвалимъ:\* Леонида, Моисея и Антонія,\* Исаакія, Макарія и Анатолія,\* съ нимиже Иларіона и Варсанофія,\* со Іосифомъ великаго Амвросія,\* инаго Анатолія и Нектарія,\* и мученикъ Никона и Исаакія.\* Старцевъ великихъ пѣсньми почтимъ,\* къ нимже взывающе возопимъ:\* преподобніи отцы богомудріи,\* не престаите о насъ молящеся,\* вы бо есте заступницы наши.

И нынѣ, богородичень, гласъ тойже: Храмъ и дверь еси:

На стиховнѣ стихиры, гласъ 4-ый:

Подобень: Званный свыше:

Возложился еси Вседержителю,\* отче преподобне Льве,\* егда душа твоя\* распалися божественнымъ желаніемъ,\* и умъ твой къ горнимъ окрили.\* Тогда міръ оставилъ еси,\* и вся яже въ міръ,\* и послѣдовалъ еси Христу\* невозвратнымъ помысломъ,\* ничтоже предпочеть паче любви Его.\* Его же моли\* спасти и просвѣтити души наша.

Стихъ: Честна предъ Господемъ смерть преподобныхъ Его.

Отъ юности, преподобне Макаріе,\* Бога возлюбивъ,\* Тому вседушно послѣдовалъ еси,\* ничтоже предпочеть сущихъ въ міръ.\* но вся уметы вмѣнивъ,\* потщался еси благоугодити Богу,\* заповѣдми Его утверждаяся:\* тѣмже желанія конечнаго достигъ,\* Христу предстоиши,\* Его же моли\* спасти и просвѣтити души наша.

Стихъ: Что воздамъ Господеву о всѣхъ, яже воздаде ми;

Преподобне отче Амвросіе,\* любовь совершенную\* къ Богу и ближнимъ стяжалъ еси\* яже есть союзъ совершенства,\* и сый инокомъ украшеніе,\* и живущимъ въ міръ утѣшеніе,\* собралъ еси инокинь чреды,\* всѣмъ бывъ вся по апостолу,\* привель еси чада своя ко Владыцѣ,\* Его же моли\* спасти и просвѣтити души наша.

Слава, гласъ 8-ый:

**Свѣтомъ Троическимъ осіявшеся, отцы преподобни,\* тьмы избѣжасте сластей,\* и свѣтильницы явистеся, просвѣщающе вѣрныхъ сердца.\* Тѣмъ же свѣтоносную вашу память совершающе, согласно взываемъ:\* богоносни и пребогатѣи, молитѣ Христа Бога,\* согрѣшеній оставленіе даровати чтущимъ святую память вашу.**

И нынѣ, богородичень, гласъ той же: Безневѣстная Дѣво:

Тропарь, гласъ 1-ый:

**Въ молитвахъ непрестанныхъ пребывающе,\* благія же и злыя любовію объемлюще, преподобни старцы Оптинстѣи,\* Богу и ближнимъ послужисте,\* бдѣніемъ, слезами и пощеніемъ дарованіе многоразличныхъ чудесъ пріясте.\* Слава давшему намъ таковыя ходатаи,\* слава Прославльшему васъ,\* слава Богу дивному во святыхъ Своихъ.**

Слава, и нынѣ, богородичень: Гавріилу вѣщавшу Тебѣ, Дѣво:

## **На утрени.**

На Богъ Господь: тропарь преподобнымъ, дважды.

Слава, и нынѣ, богородичень.

По первомъ стихословіи сѣдалень, гласъ 8-ый.

Подобень: Повелѣнное:

**Страсти безсловесныя душевными силами покорше преподобни, словесному вашему стаду благодѣянія подаваете, отъ Христа Бога дарованіемъ исцѣленій обогащешся. Тѣмъ же священное ваше и свѣтоносное торжество совершающе, просимъ очищенія душамъ нашимъ. (Дважды).**

Слава, и нынѣ, богородичень:

**Богорадованная, Чистая, Благословенная, за милосердіе щедротъ изъ Тебе Рождсягося, съ преподобными отцы и старцы, и со всѣми святыми, о насъ моли непрестанно, дати намъ прежде конца прощеніе грѣховъ, и житія исправленіе: яко да обрящемъ милость.**

По второмъ стихословіи сѣдалень, гласъ 8-ый.

Подобень: Повелѣнное:

**Великихъ даровъ сподобльшеся, преподобніи, во смиренномъ житіи на земли пожисте, туне недугующихъ страсти врачующе, явистеся ангеломъ собесѣдницы, всеблаженніи отцы Оптинстіи: и наша страсти молитвами вашими уврачуйте. (Дважды).**

Слава, и нынѣ, богородичень:

**Непостижимаго Слова Сына Божія, несказанно паче ума изъ Тебе Рождсягося, Богородице, моли съ преподобными, умирение чисто вселеннѣй подати, и прегрѣшеній даровати намъ прежде конца прощение, и Царствія Небеснаго, крайнія ради благости, сподобити рабы Твоя.**

Поліелей и величаніе:

**Ублажаемъ васъ, преподобніи отцы Оптинстіи, и чтемъ святую память вашу, наставницы монаховъ и собесѣдницы ангеловъ.**

Псаломъ избранный: Терпя потерпѣхъ Господа:

По поліелеи сѣдалень, гласъ 1-ый.

Подобень: Гробъ Твой Спасе:

**Неизреченна святыхъ благодать, юже отъ Христа пріяша: тѣмъ же вѣрою призываеми, неисцѣльныя болѣзни исцѣляютъ, и мощи ихъ божественною силою дѣйствуютъ чудеса: молитвами ихъ, Господи, и насъ душевныхъ и тѣлесныхъ страстей свободы, яко Человѣколюбець.**

Слава, и нынѣ, богородичень:

**Матерь Тя Божію свѣмы вси, Дѣву воистину и по рождествѣ явльшуюся, иже любовію прибѣгающіи къ Твоей благости: Тебе бо имамы грѣшніи предстательство, Тебе стяжахомъ въ напастѣхъ спасеніе, Едину Всенепорочную.**

Степенна, 1-ый антифонъ 4-го гласа.

Прокимень, гласъ 4-ый: Честна предъ Господемъ смерть преподобныхъ Его.

Стихъ: Что воздамъ Господеву о всѣхъ, яже воздаде ми;

Евангеліе отъ Матѣея, зачало 43-е.

По 50-омъ псалмѣ стихира, гласъ 6-ый:

**Все отринувше страстное мучительство, и всяко умышленіе лукаваго змія поправше о Христѣ, преподобніи отцы Оптинстіи, свѣтообразни явистесе, яко свѣтила озаряюще всю подсолнечную, тьму отгоняюще, и недуги благодатию врачующе, и всѣмъ помощницы являющесе, вѣрою творящимъ святую память вашу.**

Канонъ Богородицѣ на 6-сть, гласъ 8-ый: Воду прошедь:  
И преподобнымъ на 8, гласъ той же.

**Пѣснь 1-ая, ирмось: Воду прошедь:**

**Монашествующимъ вы правило есте, въ недузѣхъ сущимъ и скорбящимъ исцѣлители, и пастыріе заблуждающихъ овецъ, вамъ научите пѣснь достойно принести.**

**Наставники наша восхваляюще зовемъ: вы есте сѣмя свято, преподобніи отцы, земли російскія хваленіе, и чадомъ вашимъ утвержденіе.**

**Стадоначальниче монашескихъ дворовъ, чреды наставивъ иноковъ къ небеснѣй пажити, радуйся отче нашъ, Паисіе честный, наставивый земли російскія концы.**

**Слезами многими и скорбнымъ житіемъ Феодоръ, инокъ свирскій, злая претерпѣ, обаче твердъ и крѣпокъ сый умомъ, въ болѣзнѣхъ сына Льва духовно породилъ.**

**Богородичень: О Мати Дѣво Богородице. Христа моли, воплощагося изъ Тебе, да сохранитъ російскую страну, и души наша, яко милостивъ, спасеть.**

**Пѣснь 3-тья: ирмось: Небеснаго круга:**

**Основаніе твердо подвигомъ положилъ еси, камень краеугольный, Христа: и бысть первоначальникъ сонму старцевъ, о Льве, и пріять благодать отгоняти недуги отъ лютей страждущихъ.**

**Вопіяль еси сице, о Льве, ко обидящимъ: пою Богу моему донде же есмь, кто мене разлучитъ отъ любве Его;**

въ ней же пребысть до кончины, совершая волю Его со дерзновениемъ.

Преподобный Макарий блаженъ бысть воистину, насыти бо алчущихъ души, туне питая всѣхъ словомъ исполненнымъ благодати, потребляя душевный гладъ, умиряя души страстьми обуреваемыя.

Богородичень: Отъ Тебе, Богомати, истече потокъ сладкій, вся напаяя люди, скверны душъ измывая, о Богородице Дѣво: тѣмъ же спасай отъ бѣдъ всѣхъ иже образъ Твой честный почитающихъ.

Сѣдалень, гласъ 4-ый: Подобень: Явился еси:

Явистесь Духа Святаго органи, отцы преподобни, и пророчества дара сподобистесь: ибо въ вашихъ душахъ возсія Свѣтъ Непреступный.

Слава, и нынѣ, богородичень:

Яко всѣхъ еси твореній вышшая, воспѣвати Тя достойно недоумѣюще, Богородице, молимъ Тя: туне помилуй насъ.

Пѣснь 4-ая: ирмось: Услышахъ Господи:

О мудрѣйшій Макаріе, ты восторгаль еси класы духовныя отъ писаній святыхъ отецъ, и насытилъ еси души алчущихъ.

Ты наставникъ бывъ инокомъ во Предтечи обители, о Антоніе, воздержательнымъ житіемъ: помолися о тя восхваляющихъ.

Моусее. Антоніе, и по плоти и по духу суще братіе, богомудріи пастыри, вы настависте овцы на пажити.

Богородичень: Богородице Чистая, цвѣте божественный и прозябшій кореню, Ты о насъ непрестанно моли, Богородицу Тя воспѣвающихъ.

Пѣснь 5-ая: Ирмось: Просвѣти насъ:

Пріятъ Елисей отъ Іліи благодать сугубую, на тебѣ же, отче Амвросіе, благодать почи отецъ Льва и Макарія.

О Амвросіе, ты любовь въ себѣ стяжалъ еси, совершеніе добродѣтелей: всѣмъ бо вся былъ еси, и убогимъ прибѣжище.

О Амвросіе, ты божественною пищею напиталъ еси алчущія сердца, овцы своя упасъ на словеснѣй пажити.

Богородичень: Мати Божія, и заступнице усердная, просвѣти насъ молящихся Тебѣ, присно молящи о насъ, недостойныхъ рабѣхъ Твоихъ.

Пѣснь 6-ая: Ирмосъ: Молитву пролію ко Господу:

Сынъ истинный явился еси Іосифе, стяжавъ родительницу безстрастія, нелицемѣрное послушаніе: и яко кротокъ, чистъ же и милостивъ, смиренно глаголалъ еси: непотребень есмь безъ отца моего.

Іосифъ цѣломудренный вѣрно по стопамъ отца своего хождаше: даже до смерти самъ себе смиряше, сице Владыцѣ Христу подражая. Сего ради молимъ его: научи и насъ грѣшныхъ смиренію.

Отца своего любовь стяжавъ, Анатоліе, съ нимъ упаслъ еси словесное стадо: и нынѣ, отче, насъ не забуди, овцы своя помяни и настави ихъ, взыщи заблуждающихъ чадъ, наставляя всѣхъ насъ ко спасенію.

Богородичень: Заступницу Тя вѣмъ въ животѣ моемъ, и хранительницу тверду Дѣвице, и напастей рѣшащу молвы, и прилоги бѣсовъ отгоняющу, и сице молюся всегда: отъ страстей моихъ мя да избавиши.

Кондакъ, гласъ 8-ый: Подобень: Взбранной:

Иже отъ міра суетнаго уклонившеся,\* и честнымъ житіемъ сокровище обрѣтше,\* попеченія о грѣшныхъ, сущихъ въ мірѣ, не оставистъ:\* но яко суще заблуждающимъ наставницы, \* и насъ отъ суеты мірскія избавите, яко да зовемъ:\* радуйтеся, старцы богомудріи.

И к о с ь :

Ангеломъ поревновавше, устранистеся міра, вождѣвшѣ въ пустыню вселитеся: но и насъ, сущихъ въ мірѣ еще, не забудьте, молимся мы, грѣшніи, да прелести



избавльшеся, къ вамъ возглаголемъ сице: Радуйтеся, врачеве душевныхъ болѣзней, радуйтеся, цѣлители недуговъ тѣлесныхъ. Радуйтеся, премудрыхъ разумомъ превосходящїи, радуйтеся, немудрыхъ къ разуму наставляющїи. Радуйтеся, непрестанныя молитвы дѣлательіе, радуйтеся, о грѣшницѣхъ къ Богу ходатаи. Радуйтеся, старцы богомудріи.

Пѣснь 7-ая: Ирмось: Отъ Іудеи дошедше отроцы:

Отче Иларіоне, уклонився отъ міра, и вся яже въ немъ оставль и уметы вмѣнивъ, старцемъ прилѣпися, Леониду съ Макаріемъ, власть отъ Христа прїять бѣсы прогоняти.

Утѣшаше Исаакій сострадательный инокъ, иже къ нему приходящихъ, и силою молитвы отъ злыхъ ихъ ограждаше, заступая ихъ всячески, яко отецъ или мати сый чадомъ своимъ.

Нѣсть пророка безъ чести, но въ дому своемъ токмо, всѣхъ бо изгнаша пророкъ: и ты изгнанъ бывъ, отче, сподобися блаженства, Варсонофіе праведне, изгнаніе претерпѣвый правды ради.

Богородичень: Подъ Твою милость прибѣгающихъ вѣрно и поклоняющихся Твоему Сыну Богородительнице, помолися Ему о насъ, яко да избавимся отъ бѣдъ и искушеній.

Пѣснь 8-ая: Ирмось: Царя Небеснаго:

Славѣ вѣчнѣй причастникъ бысть Нектарій, уклонився житейскія славы: всякъ бо смиряй себе вознесется.

Да ублажатся отцы: Анатолій, Нектарій, съ ними же Исаакій и Никонъ: законно пострадавше, ликуютъ во вся вѣки.

Бывше изгнани отцы отъ отступникъ, не смутишася, но возопиша: наше житіе на небесѣхъ есть.

Богородичень: Помощи, яже отъ Тебе требующія, не презри Дѣво, поющія и превозносящія Тя во вѣки.

Пѣснь 9-ая: Ирмось: Воистину Богородицу:

Воистину стяжасте всяку добродѣтель, дарованіе же всяко даровася вамъ: но спасите стадо ваше, молящеся за ны.

О всемъ благодарите, заповѣдь пріяхомъ: да похвалимъ Бога, яко дароваль есть намъ васъ, наставники святыя во Царствіе Его.

Предстателіе наши, о странѣ Россійстѣй помолитесь прилѣжно, и спасите всѣхъ, иже память вашу вѣрно совершающихъ.

Богородичень: Владычице Святая, помогай намъ грѣшнымъ, и злыхъ враговъ избави Отечество наше: Тебе молимъ, сохрани насъ подъ кровомъ Твоимъ.

Свѣтилень. Подобень: Небо звѣздами:

Старцы почтимъ богомудрыя, свѣтильники свѣтлыя, подвижники благочестія, добродѣтелей учителя, о насъ молитвенники вѣры.

Слава, и нынѣ, богородичень:

Сладость ангеловъ, скорбящихъ радость, христіанъ Предстательнице, Дѣво Мати Господня, заступи насъ, и избави вѣчныхъ мукъ.

На хвалитехъ стихиры, гласъ 6-ый:

Подобень: Все отложше:

Все отложше\* о земныхъ попеченіе,\* и страстей мучительство\* далече отъ себе отринувше,\* преподобніи отцы богомудріи,\* въ пустыню вселистеся,\* и сердце очистивше,\* просвѣтитеся благодатию,\* и яко свѣтила возсіявше,\* просвѣщаете всю подсолнечную,\* тьму отгоняюще отъ чтущихъ\* святую память вашу.

Духовная свѣтила,\* на тверди церковнѣй возсіявшая\* въ послѣдняя времена,\* наставляють къ тихому пристанищу\* обуреваемыхъ въ пучинѣ\* и житейскими сладостми погружаемыхъ,\* грѣховную мглу отгоняють,\* и бурю страстей утишаютъ,\* и отъ злаго пути возбраняють,\*

приводящаго въ пагубу,\* и со дерзновеніемъ молятся\* о спасеніи душъ нашихъ.

Не къ тому въ гаданіихъ,\* но истиною и лицемъ къ лицу,\* зеркаломъ разрѣшшимся,\* зрите славу Господню,\* ихже очи не видѣша\* и уши не слышаша,\* и на сердце человѣческомъ не въздоша,\* яже уготова Богъ любящимъ Его.\* Сихъ благихъ сподобльшеся,\* и насъ не забудьте, но молитесь и намъ спастися,\* совершающимъ память вашу.

Слава, гласъ 8-ый:

Воздвигше крестъ на рамена своя,\* и плоть распенше со страстьми и похотьми,\* сотросте зміеву главу:\* и насъ явите побѣдители грѣха,\* и покаянія достойныя плоды приносить научите.

И нынѣ, богородичень, гласъ той же:

Владычице, прими молитву рабъ Твоихъ,\* и избави насъ отъ всякія нужды и печали.

Славословіе великое. Тропарь, слава, и нынѣ, богородичень.

## На литургіи.

Блаженна отъ канона, пѣснь 3-я и 6-я на 8-мь.

Прокимень, гласъ 7-ый: Честна предъ Господемъ смерть преподобныхъ Его.

Стихъ: Что воздаѣмъ Господеву о всѣхъ, яже воздаде ми;

Апостоль къ Галатомъ, зачало 213-ое.

Аллилуія, гласъ 6-ый: Блаженъ мужъ бояйся Господа, въ заповѣдехъ Его восхощетъ зѣло.

Стихъ: Сильно на земли будетъ сѣмя Его.

Евангеліе отъ Луки, зачало 24-ое.

Причастень: Радуйтесь праведніи о Господѣ, правымъ подобаетъ похвала.

Конецъ и Богу нашему слава.

